

## XOTA

### Xota Iokanatsopatakiti

<sup>1</sup> Nota Xota. Xesosi Kristo nitiri amotakori nitxaua. Txiako itari nitxaua. Niokanatsopata kăkitimoni, Teoso akiritakinimoni, Teoso aïri tiretakinimoni. Xesosi Kristo nĭkatakiniimoni niokanatsopata.

<sup>2</sup> Teoso iteene amonĭkai. Iteene ikamaerekaxiniretai. Iteene itiretai.

#### *Atăo Minakati Oerekakani*

<sup>3</sup> Hĭte nota tiretakini, Xesosi makatxakapekari himaerekani, nota maerekani apaka. Ninirekamari niŭkatsopatiniri amaerekani makatxakiko pirena hĭtemoni. Iuanoka ninireka niŭkatsopatini, txamari nixinikari erekape âtiăo niŭkatsopatini. Ninirekari nŭtăkikinii. Teoso oerekakiti săkiretxiti inakitiakorimoni isikakiti hinĭkaenetariko. Teoso oerekakiti ikinika isikapekari inakitiakorimoni. ! Hăuiritapiri apanakini koketiniri ikara ninoa oereĕkitikata. <sup>4</sup> Hĭte Xesosi săkire auiăkani sauaki aua Teoso mapaxitakani. Merepanika ninoa apotiitakasaakiaua hĭtekata, ! himarotari kamisirienererini ininiuana. Ninoa koketari isăkirena Teoso săkirekata. Ninoa săkire: “Ate sirĭka anireĕkitokata, kotxi Teoso katiraŭkiri, ininiă iua ! imisiritaua.” Ikara atokora itxana ninoa. Xesosi Kristonokara aăuĭte. Apiananiri itxaua. Iuaritika ninoa ! inirekari Xesosi. Kitxakapirĭka Teoso săkire iŭkatsopatakori săpiretari Teoso misiritiniri kăkiti ninoa atoko inakani.

<sup>5</sup> Kitxakapirĭka Exito tixini auakani misiritana Xoteoakori. Himarotapekari ikara inakari. Ninirekari iuaĭkana hĭxinikiniri ikara inakari pirena. Teoso moianatana Xoteoakori, ininiă ninoa miteka, Exito

tixini osipikinina ĩkapani. Hĩxinikariko ia: Teoso makatxakana ninoa iusaaki imapinakanina ĩkapani, iuaritika mapa kasiriti napa atoko Teoso okana ninoa iua sãkire mauiãkani.

<sup>6</sup> Ātipekana nisãpiretai. Hĩxinikariko Teoso nitiriakori iaxitikini kitxakapirĩka. Teoso txĩkitakana ninoa auĩtetxi ininiuana, txamari !inirekaikarina Teoso paniãtakiti ikaminina, ininiã itakanaparina auiniãtaãna Teoso tixineẽ. Hĩxinikariko ia: Teoso paniãtana ninoa ipiaã ikaikotinina ãtipirika. Itixi xipokini õtisaaki Teoso misiritanako ninoa.

<sup>7</sup> Ātipekana nisãpiretai. Hĩxinikariko Sotoma sitatxiti, Komoha sitatxiti, apanakini sitatxiti apaka iuaãtaã takote auakari. Iuaã auakani !inirekari Teoso paniãtakiti ikaminina, ninoa Teoso nitiriakori atokokana. Maerekatinoka inirekapikana, kiki sirĩkini ãti kikikata. Ininiã Teoso xipokari iuaã auakari sitatxiniri. Ninoa maerekani xika Teoso iokanatana ninoa arikatxi maxipokatimoni. Iuaã imisiritaãkapikana. Ikara õtãkikaua maerekati amakamakani tĩkane.

<sup>8</sup> Ninoa maerekati kamakani, kamisirienererini hĩte sauaki auakani, kitxakapirĩkarini atokokana itxana. Ixiniãkitina maerekati xika ninoaka ĩto imisiritauana. ! Inirekarina Teoso ninoa auĩte ininiu. Imisãkirepiretarina Teoso nitiriakori iaxiti auakani. <sup>9</sup> Mikeo inakori Teoso nitiriakori auĩte itxaua, iuaritika !imisãkirepiretari ãti Teoso nitiri iaxitikiri. Kitxakapirĩka iua Mikeo Satanasikata itaparakienatakakaua, kotxi Mikeo nirekari Moisesini ĩto ikatini, txamari Satanasini nirekari Moisesini ĩto iua inakiti ĩkapani. Iusaaki Mikeo !imisãkirepiretari Satanasini. Ianoka isãkire: “Teoso misiritapanikaiko pite,” itxari Satanasini. <sup>10</sup> Txamari ninoa kamisirienererini hĩte sauaki auakani misãkirepiretari ikinika imimarotakinitina. Ninoa iĩkite kaxipiri ĩtopa auakani iĩkite

atokokana, kotxi ikamarina iitonani nireẽkiti. Ikara iikitena xipokanako ninoa.

<sup>11</sup> Teoso misiritanako ninoa. Kitxakapirika Kaiĩ inakori kamari maerekati. Iua maerekani atokokana ninoa maerekani. Kitxakapirika Paraõo inakori kamari maerekati txineiro apakapini iƙapani. Iua maerekani atokokana ninoa maerekani. Kitxakapirika Koree inakori !inirekari Moisesi iauĩte ininiua. Iua atokokana ninoa ! inirekari Teoso iauĩtetini. Ininiã ixipokaãkanako Koree xipokiko atokokana.

<sup>12</sup> Hãpotiitakasaakiaua hinipokotini iƙapani, ninoa kamisirienererini apaka nipokota hitekata. !Ipẽtauatana. Itxikotarina iua kiiniri imaerekanina xika. Ninoaka itiretau. !Itiretarina apanakini. Itima anikari katxiãri iaxitikiri, ininiã katxiãri napiniãtaã ãparaã kipa, takari aneini iƙapani. Txamari ninoa kamisirienererini katxiãri ãki ãparaã mauakiniti atoko itxa. !Erekana kãkiti iƙapani. Mitaãsaaki aua txipokori, txamari ninoa kamisirienererini mitaãsaaki aamina mariti atokokana ninoa. Aamina mariti ipikari atoko, kotxi !iminaua. Ninoa iua atokokana, kotxi !ikamari erekari. Aamina mariti tokaãka. Ikotsa maporokaãka, ininiã atão ipikari itxaua. Ninoa kamisirienererini ikara aamina atoko, kotxi ipinanako. !Ikaikotana Teosokata ãtipirika.

<sup>13</sup> Potxoari uiniti tsakati pamonõkoniri atoko itxa ninoa kamisirienererini. Tsakati sori txiko atoko itxa ninoa maerekani. Iõriki atoko itxana. Iua iõriki sinimoni ! kimarotikori. Ninoa sariko ipiãmoni ãtipirika ikaikotinina iƙapani. Teoso mereẽri ikara ipiaãtaã ninoa auini iƙapani.

<sup>14</sup> Kitxakapirika Enoki inakori sãpiretapekari kamisirienererini pirena. Iua Enoki Adão apika mekaniri apika mekaniri itxaua. Enoki txari:

Hãtamatariko. Apiananiri apokako itiximoni itomaneri inakitiakorikata. Mio, apikomoni mio, apikomoni

mio, itxaãpokata inakitiakori iuakata ïkani.

<sup>15</sup> Iua ikinipoko misiritiko sãpiretakari itxaua. Iua apokasaaki, isãpiretanako maerekati kamakani misiritiko, Teoso manireẽkani misiritiko, kotxi Teoso !ipotxitari ninoa kamakiti. Ninoa mis-ãkirepiretapikari Teoso. Ninoa maerekani xika, Teoso imanirekakanina xika, imisiritaãkanako, itxa Enoki sãpiretakiti kitxakapirïka.

<sup>16</sup> Ninoa kamisirienererini ãtipirika tsoatapika. ãtipirika apoïtapikana apanakini. Iïtona nireẽkitinanira ikamana. Iuikauana. “Peerekai pite,” itxana ãtimoni inireẽkitinani apakapinina ïkapani.

### *Õtãkipirenatxi*

<sup>17</sup> Nitiretakini hïxinikariko aãuïte Xesosi Kristo iokanatakini sãpiretakiti akokaxiti. <sup>18</sup> Ninoa txai: “Xipokatxi õti kaimapeka inini manapi apokanako kikiakori hïte napetakani tïkane. Ninoa kamariko ninoaka nireẽkiti, Teoso manireẽkiniti,” itxana Xesosi Kristo iokanatakini sãpiretakiti. <sup>19</sup> Ninoa maerekani xika kãkiti txitakakaua. Ninoa kamisirienererini kamari iïtona nireẽkitinoka. Erekarï Matamatakoti !auinana ninoa.

<sup>20</sup> Hïtepekana nota tiretakini, iteene hãuikapikariko Teoso oereẽkiti. Ikara atoko hininiã, kataparaxinireiko hïte. Hãuikariko Teoso oereẽkiti, kotxi Teoso sãkire itxaua. Himisãkiretariko Teoso. Erekarï Matamatakoti oerekai atão hïsãkirauatini ïkapani. <sup>21</sup> Maerekati kamakani, iuaritika aãuïte Xesosi Kristo !imisiritai. Iua anikai ãtipirika iuakata hãuini ïkapani. Ikara hiãtapakasaaki, ãtipirika hïxinikapikariko Teoso tiraõki hïte ïkapani. !Hïtakanapapiri iua.

<sup>22</sup> Apanakini !auikapanikari ikinika Teoso oereẽkiti, iuaritika !hïtxitapena. Himoianatanako ninoa iteene auikiniri ïkapani. <sup>23</sup> Pamonõkoniri, kãkiti kamakasaakiri maerekati. Xamina tirinakari atoko itxa imisiritikona

imaerekanina xika. Ininiã hĩsãpiretanako Teoso sãkire, imisiritikona apokini apisapanika. Xamina tirinakari ãki katxakakari pimakatxakini atokokana itxa, pisãpiretakasaakiri Teoso sãkire ninoamoni. Apanakinipekana hiamonĩkako. Hiamonĩkasaakina, erepaniko, kotxi pamonõkoniri ninoa maerekani. Homanatariko maerekati ninoa kamakiti, hĩte makamakaniri ĩkapani.

*Peerekari Teoso*

<sup>24</sup> Teoso kaposotiireri nĩkataua maerekati amakamamani ĩkapani. Iua anikaua iua apisatoõ apoxokoniritika. Iuasaakiko amaerekani !auaikako. Peerekari aãuini iua apisatoõ. <sup>25</sup> Āti Teoso !auari. Iuanokara Teoso txaua. Iuanokara kimaroreri. Amaerekani makatxakakari itxaua, kotxi aãuĩte Xesosi Kristo ipina ate ĩkapani. Iua iotximere aua, kotxi imaerekani !auari. Auĩtetxiakori auĩte itxaua iua. Kaposotiireri iua. Iposotari ikinipoko ikamini. Itixi kamiko apisapanika ikara atoko itxa Teoso. Uatxa ikara atoko itxapanika Teoso. Ikara atoko itxapikako ãtipirika Teoso. Ameẽ.

## **Teoso sãkire ameneri New Testament in Apurinã (BR:apu:Apurinã)**

copyright © 2004 Wycliffe Bible Translators, Inc.

Language: Apurinã

Translation by: Wycliffe Bible Translators, Inc.

### **Copyright Information**

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### **The New Testament**

in Apurinã

**© 2004, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

